

學

藝

齋

詩

存

數藝齋詩存一

鄒叔子

新化鄒漢勛

雜詩十二首

填星形如瓜歲旁四星游苟無鑑遠器徒爾誇離婁瑾瑜既幽蘊畎畝兼城酬光輝豈弗遠良工意輕投故亦同敗瓠未可形色求人生忽如寄誰能爲此息且復傾卮酒相與樂今宵

大火既西流參肩乃東上潛魚習淡淵麋鹿馳曠莽借問魚所樂鹿亦未能賞顧鼠乃五技一技不能長竟欲

誇所獲益各从其黨

鳳皇餐竹實種竹豈來游非度易爲戕罄折本無求柰
何負所重所重逾山丘縵縵易貂豹侶非爲富驕眾人
未易諭得常豈非休

越士作越謳楚人胡能解西山有奇鳥毛羽生光采息
風已六月將徙諸南海鸛鵠弗能知弋乃黃雀子吁嗟
乎黃雀一降誰爲紀

志士多所恥一日褻百鬼豈爲衣食案寸陰恐莫酬檢
素或俄空經度不可求曷生事章句刺刺乃不休知之

行踰艱不知胡能休安得明哲士助我以清修

窮秋高宇闊清風作微寒野田無遺稗黃葉漸以飭飢
知秋士悲懷食勸爲歡人生有所志詎待口舌宣淡惟
弗克逮甯肯隨化遷

靡艸不知秋丈夫多所襄奚暇計安與白日忽如蜚有
技冀見招無具靡所期執御非驪共濟用實在茲破義
徼微祿祿獲竟安之況匪身所慮粉飾徒自欺

東園桃李華零落無幾時人生常艱苦佳遇不可期今
日樂相樂明日如此不在歡靡所畜窮柏竟安之佳哉

狐與貉尚有御冬資

予生寡所厯綈縈或見欺向持以問世誠復不如茲幽
眇豈敢質守疑竟待誰黽免尋所習踰畎畝踰岐疇無
經緯資而可百世期

爲樂良稱意大康亦靡宜赤地君子慮饑寒小人知昊
蒼不可測明歲更難期愿多甯反樂救死豈無岐

稼敗待來稼人死反期天地忽復易榮名竟安之究
難百季內廬與下賤期黽免勤所獲歡樂卽在茲唧且
尙甘蟬君子毋我譏卽譏胡能慮經紀自可怡

蜚鳥出雲表日夕在山棲人生故有託富貴難彊期謙
柔爲世說不如爲世嗤齒折舌則存賢哉老萊詞但欲
獲所求衣食無多資

歲云秋矣風隕其實歎息作此

山農恆晚穫豈知風爲患怒焉眷空穗堅好被中原豈
不曾勤苦歲事又云愆入口于焉託晨夕竟何餐狐茸
亦食品弗勝入秋暝鴟蹲與薯蕷莖蔓久已殘伫立南
阡上迢時不欲言婦子乃來饁卽飢胡能吞慰薦勿復
尔樹麥待有季苒收稻數石中日可一饘

飲酒詩二首

我病不能酒見酒輒歔歔人生寡歡好飲酒亦足怡胡
爲弃茲樂終日坐如尸傾觴付它士淡趣疇領之惟宜
居上坐朗吟陶令詩

熱士豔浮榮公守固窮節帶索亦所甘飲酒情難缺豈
敢翫蜚陰淡褻遠狡訐脩然得此生清流自此別

古意四首

欲窮千仞岡請從今日起千仞多風寒沉復亾叩止便
息行游駕盤桓在斯里斯里陝且隘侶難容足趾不容

舉世誚卽容致衰。置甘負舉世。誚願復湛然理。

黎絲委涂泥。瓦礫積其上。軒于遭漑植。生意日張王。但當挾衡纊。甯復具節亮。改駕故靡艱。勇去亦何望。惟恐百季至。榮宋同歸喪。

心緒如箇絲。糾結不可解。一日空復過。誰能念千載。便守瓶瓴聲。窮邨恣擊揩。顧念咸池葡。甯復無人采。

搏桑望落棠。迢迢九萬里。鉗且謝轡銜。焱忽已過此。手爪能爲巧。弗馭乃馭理。下士欲相效。而已失步跬得失。兩無論造父世所美。

擬傅武子孤竹篇

倉庚蜚不息諒止在山阿
爍風颯然至柏上凋女蘿
盛時故不再及今已非宜
柰何晨夕歡猶復阻山陂
愧彼雙鳴鵠軒舞故遲遲
空房勞夢想蕭索感容輝
卽盛猶不堪況復本衰萎
何能有丹棘不復念爾爲

擬徐偉長室思

爍萼欲爲榮風霜顛顛之
頰紅常駐頰曠世不可期
捐義从它好竊恐君子譏
萼盛雖云去嫵婉及須臾
訖今別已久想君能見思

紙鳶

漸看寒食近，覺有清明風。紙鳶飛滿野，競尙雕翦工。究
是粉飾質，未有顧盼雄。葺林出鸞鳥，健翮盤虛空。頗瞰
邨原內，狐兔皆畏憊。游人莫有顧，誰識俊偉容。始知世
所好，皆是葉公龍。借曰有賢知，眾口竟排撞。不見洛陽
賈諛王，左才絳灌乃謂童而懵。

食淡

箸鹽乃覺煩，食淡心彌清。始知古大羹，非爲悉其名。更
裹一弦琴，正有出世聲。蘇門不可得，幽隱爲誰榮。

食水引

一官易尊榮亦知蔬食貴一日食萬錢公位供奉饋青
史兩見書清娛差有謂我但食水引諸君任相喟
食糜

方丈元無益當知立食艱一飯故難得一糜亦或慳紅
羊與象白食之未延季況有奢豪名難以荅名賢
讀阮步兵詠懷詩

一飲四十日豈效大常酣廣武起長歎乃有濟世心孺
子安能識聊此作長吟粲若吐珠玉遺芬豕至今

歲日 丁亥

爆紙謹五夜幽人不能寐聊復攝衣巾出門共迎歲稷
雪封脝蕊盈盈一尺絮行行踏脝雪

闕二字

飲雙屐雞鳴

以爲朔冥冥不能眯山川皆闐爾餘光照屋鴟山民相
娛樂但自對妻子我聞玉關羹風物正此似

元日 戊子

乙生三及戊故是添季期彊从柏酒飲中心已悵而我
生塵如此廿四已風馳蘊璞無足惜永襄在來茲經術
既不茂勛庸亦可知沒世名不偁究亦關所轍縱不展

宏才要當具偉奇刺促不稱意徒焉守涓微

浩歎

后夔不復起希聲委涂泥中間有作者褻獨無由知靡
靡世所好師延乃出奇子野琴何在何不撞頭爲清商
與濁徵正聲猶曰宜沐猴而冠佩流傳亦至斯始知玉
后故雜糅不可矯矯求異時作詩但令老嫗識典誥大
語勿相師

蘭

維蘭有國香乃尻空谷旁奕世無人識豕以省頭名名

號既已易鑒賞遂爾更纖嚙彼燕艸充冒今相仍世上
那識真槩執爲枯榮如日衰英姿時時須一鳴嗟彼蘭
性默誰爲引其亢

書歎

鄒子晨旣興仰屋作浩歎所歎在千載世榮安足論
人借問君歎誰無乃輕煖肥甘不足與欲言若輩故不
識不言又恐見齟齬轉作飾辭聊一對終是晨夕少歡
娛奇士相期不可得一生裊裊何由據但敎衾枕淚痕
積時寫牢愁一簪書

別內

操作當爲梁氏婦疏裳勿失高人風明朝祖席西歸去
時憶苒汀獨宿鴻

憶內二首

香籤空使紫塵積佩幌徒霑別淚滋寄語青鸞須自恣
人閒疆半別離時

兀坐時襄冀缺耨尻貧亦感牛衣辭漫言手筆風雲壯
又作秦嘉贈婦詩

昭陵旅次

惠氣滌餘雲耀靈次蒙汜橫術澣埃埒脂轄靡所指岸
幘反瓜尻官閉神形圯幸有問字客紛紜荅數紙

寄友

槩鉛貫誤男兒計吳鉤霍霍礪寶礪西出陽關三萬里
名玉到縈單于係使節僊槎更海西九光拜罷二鳥唬
瓊室歡談獻瑄事膳我粢黃駟牙齷志趣權奇驚末俗
樹肱挾張內局促籍籍茲謗不可已赫蹏渤意遠相告
羌驚

羌驚厲翼曾阿裏橫決霄道超廣水還恐雜采飾羽毛

難教芳躅續青史
頭伊邑空山椒求田問舍效許侯
下牀不堪一日臥
闌入貨殖烈士愁
涓差羣謀無一可
鎮日心煎蘭蕙火
要縣寶劍控瑤弓
歿後終當馬革裹
答贈

眾耀繽紛曠回裏
玉玦彎環射眸子
畫瑟照耀積秋霜
輕猋送籟到階圯
頑奴逗畱夜不歸
危闌遠眺黑影微
匹錦披雲八行字
映水芙蓉香撲衣
驚才絕藻飡霞客
搏捩元氣滅痕迹
自笑粗豪筆墨徒
鷗張虎視難爲役
游石仁洞

絕家孤檉石翁仲頻瞰山要兩溪洞老彪飽飧薇蕨根
嬾向門苒相迎送梯株縋鼻陟弋壁洞口南星高一尺
窪水半斛芻新藍石罅點點隊芳液息調骨冷更技奇
別洞竅嚙別徑欹卑身共入聯狸貉蠓蠟到挂聲憂伊
厓徧隈隅觀鬼迹偶掇木蘄紅虎魄峻阪騁足肝膽雄
須臾仰望浮嵐碧

熒星

熒熒天上星昧昧水中螢人生宅曠朗胡嚙耿耿明

一解

安知蘇李筆安知董賈文六經皆脂閑三史何足聞

二解

暇日通短書精心聞淺說意氣厭么麼廣坐掉長舌

三解

掉舌亦何置用心亦何溷安有高簡士得聞此輩論

四解

白髮

蕭颯蒲柳姿鬢髮落縈絲季未半潘子胡渠卽衰萎皇
穹畀疲質又畀剛豪氣兩事不相能空令我受弊

山竹

山竹幽禽睨眄其音蕭啾几席思不可禁

一章

梧之楸矣

蔥蒨其支窺鏡觀容綠鬢生絲

二章

淇園之竹伐而爲柵

可已攤牘男兒乾沒中心如刺

三章

矯矯騫鴻載西載東

我之縛矣蛭螻與同

四章

書感三首

孟夏鬱重陰秋水毀城郭荆湘無噍餘征南亦見虐皇
穹未忘禍金行又迷錯鋌耀箕尾閒敢與大陽選加已
卽見東真精反侵薄

西蠶猶未靜羽檄日蕭索湖漢地赤枯青女恣驕譴飢
民如蘭聚野廬夜警櫟我雖理世民心知懲毒菴況茲
析木津寔爲平與谷首善苟震愆四坐豈安宅

隄數溢隄田穰覈驅隄薄貞廉棄如遺甘毀貪狼擢親

學士言才一
戚不復問用帚
躋婦嗃執積恐將復時躋失魂魄

五君詠

五君謂唐隨州刺史河間劉文房長卿
郴州刺史河東柳子厚宗元
檢校禮部尚書彭城劉夢得
禹錫協律郎隴西李長吉
賀興元軍參謀貞曜先生
湖州孟東野郊

我悉劉隨州
息清氣仍勁如彼濟水流
儀曹非金石直乃古敦彝
經厯皇初特元邃遂莫知
奉禮日歐血歐血輒成碧
銅骨聲鏗鏗蜚騰在熱際
貞曜隋且堅岡巖九

億尺旁出無寸尋仁羿莫能蹠賓客亦倜儻所慙惜无
白

代朱鷺

朱鷺翻羽戢戢回鵝下集阪北阪北之田亾待鳬鰕
不家食者淤悲鼓胡殊翁雜采廣堂須引翮戾鋪爾謨
阪田之食不可食食卽汚我下及我羽逝將去誰汚者
代思悲翁

狐失雄蓬撮狗噪其外躐其中狸獬豸魏相龕從紛四
出思悲翁悲翁何大愚知不用賢鼓倨忼吝區區悲翁

之柏不須與

代艾如張

翼三面目已希逆鵠鴈鴉離遺豆鮮其給民不歔歛柰
何欲張六翮而數爾羅數爾羅當柰何鴉鵠桃雀急則
竄蓬蘿

代上之回

上之應際無極上之威服荒域春之辛承甘泉五苓翁
萬國安驅馳北地出石關般游敖以嬉山川險哉傳無
期安得哲士共尻之

代攤離

攤離趾豫春豐務蒙蒙平垠出壤築爲宮木蘭芬廣飾
玉釭何用落之聊羔縱我昔戾者故是攤離趾中

代戰城南

短兵接蛇矛失奮不顧且殺賊捍賊梁梁不當捍賊關
關亦亾天子安用將軍將軍安用叩鼓振振雲冥冥健
士歿驚馬生膏挂棘支腸胃艸烏鳶相噉聲噉噉野歿
而不葬良臣誠可悼官給櫜贛爾酒復爾世從今以往
勿復戰已戰則傷我良士

代巫山高

巫之山何巍巍淮之水何湯湯我欲蹠不可上我欲渡
害無梁東之欸可哺東之人可娛邛樊之邦不可與尻
我欲去矣柰爾梁何

竹枝詞二首

夜淡鐃鼓猶未回硬舞已過與舞來贏得滿邨兒女笑
錯唱五更雞哀哀

悠悠旌旆上山翻喔喔吹蘆下領喧鳩得宗人數千指
齊將楮幣挂先壙

晚游

酷暑殘詩興清谿作晚游餘輝蜚斷岫芳影動孤洲漾
漾輕風至亭亭獨鶴畱及茲宜一暘延首發清謳

長至日對鏡

聞蟬節已換對鏡涕縱橫未使陰陽定翻教感恨并
顏今夜改寒峻幾時更縹緲聊持讀用寬惜誓情

閏月朔臨上晚眺

又是歸餘吉空嗟歲月侵黃楊如我阮螭蛛爲誰吟
渺平蕪色茫茫千載心茲游空感慨湛輩幾登臨

夜雨三首

伏枕空山下瀟瀟夜雨鳴
愁知今夕滿睡卻幾時成
虛室留餘電遙鐘送斷聲
詰朝明鏡裏應見鬢霜生

淅淅聲交塉綿綿思牀傷
百季皆已速今夜竟何長
溼透身加倦風飄帳轉狂
對牀亦天末誰解此淒涼

西窗無與語宋寔在中帷
人靜聽長溜形孤念故知
濛濛關塞阻漠漠羽儀違
思遠知無益難忘獨夜時

珪上人見過揆得殘干櫓
丹韓五字珪得寒看蘭盤
完賦就卽次其韻成二首

天外雨零春未殘，忽驚飛錫到江干。
聆公縈塵終宵話，解我青蛾數日橫。
禪性已經三昧火，雅歌都是百回丹。
莫嫌野客非知己，早有心香祝杜韓。

右揆韻

薄薄羅襦不畏寒，篝鐙向壁兩相看。
心無俗案離塵滓，坐有清香襲麝蘭。
得上慈航緣慧劍，消除火宅賴人盤。
研朱便欲繙經論，但恨林閒藏不完。

右次韻上人言此邑嵩山寺萬松

林皆有佛藏亦俱殘缺

開福寺雜興六首

資江東北納雲泉

雲泉水名見水經注即俗所謂邵水者

涌出浮圖斷岸

邊寺旁有浮圖七級高十丈周十二丈明隆慶萬厯間
建郡守滁州胡公郡人高寅陽刺史皆有銘勸名寺
門輒工吳蘭自遠色盡收窗戶裏飛鴻掠過露盤背
揭其名于輒上

天與孤寒不怨嗟自憐詩酒是生涯一樹紅梅吟不得

翻令風景屬僧家

珪上人詩弟子卓堄
上人有紅梅詩頗佳

慧日光光貝葉經法雲頻夜蔭枯鐙

頻夜寢與跋陀羅
尊者繙繹經論

周妻庾肉都難免我是人閒火宅僧

名障層層不可消春來發篋此僧寮
臙丹夜夜按書史

賴有彌陀共宋廖

朝朝人聽黃鸝起夜夜鐙從佛閣分
閉戶安排禪律誦

崙山鐘磬隔江聞

隔岸崙山蘭若崙愚和尚之所駐錫也

郡城東畔雲泉曲饒有清陰是五臺

即崙山蘭若山名五臺俗即謂之五

臺菴欲上禪牀參半偈支公應許許詢來

珪上人用苾韻見懷復次韻荅之

落萼滿岸日將殘一行疏竹影闌干忽瞻拱壁林苾墻

想見兵戈腹裏橫

來詩有論詩渾是談兵法之語

布毳齊看旗纛白

周官

建大白

成詩應賜券書丹微生恨識風儀晚願效雲龍

比孟韓

江介清風晚更寒繙將綠字從頭看生憎我輩如蕭艾

如殺僧家有蕙蘭繡段再瞻投煖閣玉枝遙計入春盤

來詩自注偁此山僧已春筍相饒

繩牀已揖中書坐

來詩自注云欲借唐宋詩鈔暴書亭

集託中書君爲之先容

但約荊州地早完

坡詩異書渾似借荊州謂借而不完也來詩云

憐貧黨把荊州借故丁盜之

與珪上人二首

拓落情懷潦到顏送窮窮鬼狎癡頑半畦不恁頻栽菊

一檻那能便放鵬適供徒裏臣意術

僕好覽醫家言嚙不欲治人有相邀

者輒適其供蓋恐如元化也

載金空似子雲嬾詩腸磊塊宜澆灌客

舍無錢學老慳

來詩有憐貧之語故亦書貧狀以相答

雜誦瑤萼韻往還攢眉一問語難刪六經不復知王鄭
三史那能識馬班但重孔兄如寶蔡偏將籍氏等茅菅
故令心曲如然急因爾盈喉恨血殷僕荷詩有解我青蛾數日攢之語來
詩云是否眉因入社攢夫遠公結社廬山辭謝客邀陶
公入之者劉雷諸鉅儒僕嘗有句云心雜文人辭入社
酒酣高士送踰谿蓋豔之也則不入或恨
入復何嘗故荀述攢眉之故如此云云

譚季庠補郡弟子員遲之不至以望夫君兮未來爲韻
嵩率齊子高溟渤揣君量清萼不足言要副蒼生望豈
無霖雨期傾身錢麓障夙尙吾所欽守之願无妄

憶昔過子尻訊子意何如云比小家數戶內有詩書此

諒君已過應是愧狂奴語謙意亦巧含笑去之夫

九歌悅山鬼牽埒以思君思本無一律巧繪卽成文君
子領斯妙藻采遂繽紛願縱觀瀾目珍怪更披擲

文章多異議言論至不齊出奴而入主黑白故已迷葉
定分斯定五量無卽氏君按百氏言應自識麟兮

使車昨已發旌旆歸猶未江介多悲風獨戾寡歡味邇
日思君渴朝來廢牽餽儒巾初箸頭風儀徒髣髴

林篲明夕照漲水捲新苔此路應曾識貳車胡不來羨
君倚閭者置剡笑顏開作歌訊左右如何棄不才

春日偶至東山寺小艸悉著黃鸞殆所云黃鸞如蔽金者邪詩已記之

春風吹我渡江潯一徑黃鸞滿地金怪底季鷹吟興動
殊光卻在杏粦林

聞蠅母

卻與黃鸞相唱咏小餐鸞露在苒枝微之不讀醫家語

春日聞蟬再賦詩

醫家本艸經扁鵲弟子子儀所著陶貞白注載有春蟬名蠅母二月間鳴

元微之初賦詩謂春有鶯聲故無蟬噪後于舉山下春日聞蟬再賦詩以更苒意

著書二首

音學不傳久矣晉李登作聲類宮商角徵羽各爲一篇予暇日采詩易楚騷漢賦之音分別爲十五類每三類爲一大類以合李登之旨廣韻以等分韻有內外四等爲八等予因其明載者又以反切下一字削諸韻而二百六韻之等可知矣沈隱侯作四聲以宮商爲平聲是本有五聲也後人不悟謂祇四聲誤矣勝代方密之謂陰平爲空聲陽平爲堂聲理雖當而名創若欲从省謂爲陰陽上去入可也三十六字母本神珙守溫所作戴東原持輩攷其人皆在元和以

後其字母經複邵康節取二十五方密之取二十束
原亦取二十予以廣韻校之取二十二具茲四法而
韻之道于是乎荀近世言音韻者岐而爲三一曰古
音二曰唐韻三曰等韻夫稽其理則一尋其迹則三
等韻之攝卽古音之聲類也等韻之字母卽唐韻之
字紐也等韻之開闔齊撮卽唐韻之八等也唐韻之
入等卽古人之內言外言也唐韻之字紐卽古人之
徐言疾言亦卽叔然之反語也此其理之一而同也
若字隨時而異讀音與世而俱亾此其迹之二而異

也然十六攝不如五類之咳開闔齊撮不如八等之
詳四聲不如五聲之明三十六母不如字紐之當則
今人不及古人也予耽斯學搜檢之勤無閒于嚴寒
雪夜或置飧以忘食或篝鐙而達曙暇則又歌其事
以自適云

結習無時好窮愁喜著書揆驪千歲後握兔十季初室
籍烏薪煖神緣白墀舒荒雞聞已過孤影動渠渠

名賢雖不數煙墨亦難欺努力襄成事冥搜在此時屢

窮無遁響細析樊耑疑敢匹孫顏輩

隋儀同顏之推等
八人同譏切韻唐

孫愐著 聊爲庠序師

唐韻 咏壁上詩

鳳皇游息在天池一出大平便可期離穀九苞應已具

攬輝原下碧梧枝

壁上詩云冲霄健翮方未就野雀林中暫借枝古樂府詩飢不从猛虎食

莫不从野雀棲預爲此
士下一轉語殊堪歎飯

詠懷

豫章未七季自與凡木伍畜知蛇同龍戢威狗如虎乾
誰知往來鵠鵠識陽雨不信溟池事翻笑鵬鷖鷖傑子
韓王孫壯志蓋區宇雄旌指山東絆豹馘餘羽少季辱

市塵老嫗給糧糗雌屈無寸燄風絲傳笑語巍巍步子
山雄威溢交楚備蜀西陵外戢蠻南海渚當其奉瓜時
不直富人怒昔在王處沖濟之癡叔父牀頭弄韋編父
繫追酆魯晦光待識察悶悶如淳古猶子取親習帝堦
供戲侮人豪未或遇貌焉辱塵土臺輿隸馬牧驢鴨蛤
蜊斗狼藉尻其上虹氣終難吐故當事趨承何須辱織
組此便遜昔賢副墨竟起予

詠史

良鳥欣所託良士欣所逢長生去河北興霸走江東微

哉彼黃祖識器信凡庸雁鶩畜鵷鳳蛭螻養虬龍安有
鱗羽長而可在樊籠拊閭作大繼何若畱梟雄暫瞞羈
異材思彼展奇功雁雉贄有先譎正迹靡同馘醜遂不
復隻身歸劉宗始知厚待意僅得一折衝術故不可任
志壹難屈從無依終假息得擇遂靡躬二賢優絀異託
非識未融

操賊融楨衡策權戕虞盛名賢失所棲非愿亦實命我
聞句吻鳥搏鷲乃其正那須譎諫言撓彼護苒性藜牀
坐欲穿浮海非無徑嗟哉孔文舉明哲昧先鏡錦綺麗

巾襦魚犀飾萼藥文采故所欽尙鑒昭苒聖公榦臬正
平無乃違斯證憲翻不世才卓哉有儒行厲志希冥漠
絕情事萼競形窮雖玦賜中泰等榮贈何須怨蠅知亦
不求輪聘輝輝之數士名品自芳令臧疾乏明良因之
遭語弃含光知必斂世故忌明勝

流民

歲在重光荆方縣邑大水沔陽之田夏淹其稻爍汨
其莪民流之四方者萬計旱貲之士不或振焉作此
閔之

闐風起日夕原艸盡淒淒雁影度平陸嘹唳雲中唳雁
唳一何慘風聲一何悲風雁竝相攬使我淚霑衣我本
荆南士拓落天一涯衰穉共扶匍歿喪不可知計涂兼
計食誰氏哺一糜望望閭煙集投刺善我辭主人幸賢
哲矜憐淚暗歔童供艸具微命續一絲主人乃愚妄
嗔怒雜笑嗤謂予薄祐者居嚙可與廝予非不作勞六
气有平陂農稷失其守修熙亂所司稻隴窟蛟龍比畝
復無遺一粟不入臼千邨盡荐饑荐饑有如此予生亦
奚爲繫予未遘患室內有餘貲負郭田百畝衣食足自

持嘆擁啜泣日縣葛謂父時傲然自尊大有巢不肩岐
豈謂丁斯患予亦詠流離惟彼吝者曷惟此仁者哀邦
族曷由復北望徒悽悽人生不恆泰鄉國代有災敢告
持盈者救患不爲癡

尋梅用東坡松風亭下梅萼盛開原韻

壬辰

冰肌玉骨江上邨閨香馥馥引吟魂卻怪寒鄉風信晚
二月始伴參橫昏清姿皎皎雪輝壁縈質亭亭月滿園
但欲塵埃難比竝那知冷澗非春溫等閒桃李作媒豔
游鱗舞蜚弄朝曦崇晨不語工搖曳何異息女愁荆門

羨爾孤艇真絕世師雄畢竟是浮言豈有天上玉妃子
肯泛人間激灩尊

飯後以清江三孔集作睡媒俄而竹浪大作寢泛海作
是

窗筠萬箇竹風聲當濤聲巖老碁未罷忽作海中行海
水浩無際海鳥嚶嚶鳴邇來山阿住余心已大清依禪
飯蒲筍宿樹無畱情虞弦雖未御聲詩可誦廣毅父清
江集逸韻白幽鏗及茲積響作竟日空徬徬方舟芥葉
細七尺蠅蠓輕不見似人喜推篷獨自瞪欹歔宮早變

學藝齋詩存
一
吾師亦性成覺來紅日影已過梵宮楹陳元及毛穎襄
刺已中棖亟與談斯景竹浪尙難平

集羅氏山館日夕喜羅九至分卦韻二十六字

客至燭龍暝登堂北面拜體色交相詢癡狂各小瘥過
從持每隔非關行腳責此夕幸相見勿使良時邁及茲
須臾景攄襄出清話炯炯熾暑蒸瓜室嫌湫隘無限相
憐意全爲酷吏賤攝履作夜游行行入荒畝露頂到松
閒披衿依艸芥歔鬱終未已月透渾疑曬天公倏震怒
幽雲生水怪雷厲潛龍驚風壯古林壤霑濡蜚碎點似

乃梅霖介露坐非其宜相攜還講廨入戶息未定雷走
如泉派殘萼酥紫薇小園肥蔥薺農民喜且怵旱魃去
相誠嘉禾沛甘霖庶無長蕘稗溼氣撲羅衣兩腋生清
快隸息漸以靜煩喧覺如賣幽娛無此夕諸君復良械
誠當快雄談勿謂夜未卦含意俱難申籍此聲詩畫曹
分廿六文出入重殺戒揮筆遂三更津津殊未懈水雲
俄四捲瓊魄復東挂

炎暑逼茅廬起処如鍼剌拂面衙無風滴澤滿衿袂向
南陸量地茲方九斤隄嗟哉蜃藉民常有流金憾此夜

沛芳霖歡聲已漲溪兒僮喜欲狂山農空首拜耒原視
畎減後圃理黎拜九夏足灌膏秌實無翦扒我輩雖未
達俊偉皆僑囁戚樂故同眾與世渠可忽況斯清夜雨
當歆寶如硯淅瀝爽煩囂霑潤起羣林輕煙籠遠岫溜
聲雜鳴蚘籟細如笙簫林靜若趨嬪幽娛不可道弟樂
何劫掛布莞臨耒除勿使悲露難尊寶置鄙醪籩軟釘
漢箴雜坐逮相壽中酒作傑佚或則爲坐隱妙手生灰
罽或則如正始風流絕魑魍或則窮妙技瑯瑤成吸鯨
或則箋蟲魚清言辨策瓊胡爲不極興諸君意何儻明

朝鷖燕分何時復能邂逅來不可斷仰屋唯歎噴但當
長歎去故山隨鴉鵂

同彭十一丈惠泉茂才自高平水登順水巖臨眺

觀水未有得陟山乃見奇非關仁者性豁日始足怡發
春已十日鬱鬱如囚羈人日廢游涉何況其餘時我雖
病且倦今日豈辭疲一盥盡煙景遠岫皆迷離近窺見
水竹悠然而清姿盤道在茲麓創始竟伊誰捩捫徧巖
石終未見畱題君行半天下名勝多厯茲卽今談論閒
眷眷猶在裏蠟屐情殊在便擬從君嬉但非能賦才誰

爲記今斯

二鳥詩

但解能言語雛身亦入笱鱗鮮頻主給朋好出林嘑
陋風塵滿更深明月孤禰生眞薄命空山爲賦吾

雖逢虞客網喜近富家楹飲啄殊無恨頭顱自覺榮
昔時求友意今日媚人聲詎絕巖阿望難忘飲食情

姑氏山莊

向晚池塘宋幽人自來往桃李不成蹊血祝高千丈橫
岡如乾亘遠岫連雲上地隔鳴蟲細艸色鬱蒼莽牛里

無鄰曲羽士相依仗送迎都已絕心氣自疏爽六博今
雅戲彈棊客技兩局陳不復用靜聽谿溜響

寄贈友人

登名歲萬夫而子在其外仄聞經與行無復如子取簡
珠投沙礫中心爲悵憤擇交端如子甯以布衣貫

我雖未見君知君亦殊細神氣清以聳古心不曾沫萬
卷槿其腹風雷凝巨製僕之所素願一聞心輒醉敬爲
申贈章庶以致警歎

白沙書屋

學士奏方詩卷一
三
白沙書屋水西偏又趁昇平醉一筵屈指英雄能幾箇
放懷惟憶酒中仙

題鶴田同宗藥風破浪圖

長鯨捲雪波濤惡浪說藥風萬里游輪與宗兄箇中趣
晚煙斜日盪輕舟

新經

新經變學究遺制到于今窮稽失遠大講疏徒猥纖喋
喋便言者當世掇纓簪有言不有德況乃言尙慙見之
輒欲唾胡爲朝夕尋

夏日山齋讀劉隨州集

朱靜渾無事蕭疏伴筆池蟬鳴淡樹裏岫入午晴時永
日宜佳句清風憶本師效顰曾幾日又賦閒齋詩

情詩

常羊伏櫺外窸窣聲不已日余別子來辰三易厥止蜚
鳥無遺音營魂夜九逝遠期降婁中夙昔寶未解在宋
靡所勝其勿復別矣甚念夜初分漫漫已若此竟直日
南邁心情復何似

數藝齋詩存二

鄒叔子遺書之七

新化鄒漢勛叔績

論詩一首

歌詩寓興感古聖所不廢禮以立其幹樂以銷塵穢詩
與樂表裏其用乃獨大後來昧斯理瑯篆殊已細時時
嘲月露閒復雜媮戲更不似滑稽徒焉儕身儻不爾飾
豔辭陝蝶號溫麗其作等山丘曾不關民計嗟哉襍穢
子庸妄不曉事本無刪述功瑕瑜漫擬議燕石成連城
子隙旁人誹譴茲亦云厲陶杜追被劾高陽酒徒耳用

等有才智矯枉無過直安以墮廢嗜斯道未可毀請爲祛所蔽

叔旦古神聖宵雅三在肆仲尼倦游轍五歌以刺世後人邈難追貞良亦閒廁牢愁及九章豈容有軒輊漢詩十九首名手汰精製如彼三百篇厥旨奧以達子卿惟篤摯斯以具節義建安不足珍六代逾趨壤陶阮在其閒孤標古哲逮爲文亦超超暉綏有淡致唐興少陵起退之乃相繼一出定鎮州辛苦赴行在聲詩未盡美烏能有斯詣勛也雖不敏翹衿正此輩復處遺文中千載

悅辟咷

讀屈子九章書後

郢未拔也而可曰東門蕪而夏爲丘乎陳未遷也而
可定其行以仲春甲日乎由是言之三閭及見白起
之事明矣但史傳不詳學者不敢質之也夫九章之
文三閭之所自箸也其言已事不詳于後人之言已
事哉學者何不悟也龍門之疏略豈勝言邪何用而
信三閭傳之不誤也三閭蓋當懷王之世而放矣放
而又仕當頃襄之世又放矣放旣三季猶吟于澤畔

則三閭之非懟君而歿明矣非懟君而歿曷爲而歿哉學者求之而不得于是有屈子外傳王賜之歿之說噫爲是說也亦不讀九章之過也三閭忠義之士也秦旣拔郢其明季江南亦爲秦三閭放于江南安可不歿哉三閭之歿蓋以此也予悼世人之不悟也而以陝狷與懟被三閭故發憤以明之更係以詩云小豎拔郢郢江南亦爲秦大夫故楚欒安可爲秦民一歿差可報涕泣赴湘淵後賢不見察乃謂爲懟君噫噉吁乎嗟哉靈均噫噉吁乎嗟哉靈均靈均誠狷者初放

曷不堪被髮行澤畔胡爲三歲吟古人沃卮漿命駕辭
大宰一廢故已辱荃心容渠改但是貴戚臣社稷事重
耳屈子再仕心仿佛猶如在一放乃欲仕再放乃欲死
人心故無恆屈子有如此史公多疏略夷羿亦不傳紀
載恆舛駁通士每見難懷沙亦茲類遂使屈子冤世儒
尙論古喜爲過高言崇議吾不識請諷哀郢篇

袁二贈摺疊

棲遲空谷裏時到授經堂殢暑爭相逼淒清不可忘恨
無葵葉雅唯待竹窗涼季子誠能贈仁風定奉揚

怨婦詞

寂寞但含悲無言識怨誰綺窗亭瘦骨蓬髮隱清姿春
靜等寒日更殘燭盡時空饒文士筆誰賦斷腸辭

古經堂

門人飄泊似零星故院春殘歎掩扃猶記小季行樂處
綠楊含絮映雕櫺

次韻李子木見贈

力學踰廢學綦蕪廿季外爾來始識字漸欲窮繁會丹
鉛勤記錄所樂斯爲最黨或傳述作無乃夜郎大古經

義多微鉤沈意非汰哀嚙成兩書沾賤等苦蓋乃勞頻
借讀贈言縉文具愚材果何當詎關時顯晦知是滑稽
語但了篇章債夫子論文章故自絕流輩指顧揜羣雅
逸翮鳴翩翩顧我已類狗畫虎慚黠獐

偶作

章句已非吾輩事新經況復日推求弟昆長大皆三十
婚宦紛纏各一謀舊好譚生縱遠別新交李子未長游
清娛元足了吾願便借一菴谿水頭

游首望山

我家住山禁十季始一遊蠟屐偕朋好裹飲逐童樵清
風盪白雲殘碎依山椒知能豁遠目中涂莫滯畱危梯
十里路厓盡不斯須叶蕭瑟黃楊林矮榦千龍蚪手植
傳僧普風霜閱四朝資水東北去向背削巉嶢紫霧罨
城郭遠見南梁州退瞻古佛寺升煙尙未收壁間有佳
句蘿谷名舊標想見高歌時隨風戛玉璆浼焉厭塵俗
迹欲侶松喬我不慕長生亦不任沈浮名宦黨能免五
濁自融消故已輟春興詩書卽冥搜暇日事登涉心蹟
自優游旣盡山中勝遂作山中謠

題首望山

山川抱清淑不籍文士傳茲山落荒壤巍然二萬季共
閱幾游侶誰能一字詮琳實故難損瑛聲自不鏽始知
歟後士琦瑋故其先如何峴山下片石待沈淵

次韻仲氏畱題桐平

桐平在天半巖壑互迎送民物自敦龐如作萼胥夢曾
經一宿臥別去大倥偬至今五夜魂輒復繞靈洞

疊韻仲氏畱題桐平兼呈諸子

桐平之地主黃閒妙縱送桐平之逸客詞波撼雲夢筆

聲與括聲相富兩倥傯璫也謝無能束帶徒洞洞

王霸雖林尻兒童解拜送正宜從之子一覺紅塵夢胡
爲舜上壑去去轉倥傯聊復證此心畱詩彼溪洞

勝游旣緜邈吟筦轉相送耽靜有真如哦詩豈夢夢子
木具逸才能事無倥傯林泉貫匈臆一寫傾鴻洞

北邙兩君子度阡互迎送唱酬數晨夕欲作生粦夢頗
自絕塵紛轉坐詩倥傯詩興我亦豪接腸柰空洞

贈譚伯辛

更嚴再換燭初灰解校曾煩徹夜陪我自湖湘不偶士

君誠衡霍可憐才楚騷元塵衙官命楊槩經隨計吏來
白善城西資水北何堪沽酒坐莓苔

大悲林偶作

衣如破衲幘如屋又揭征車資水曲醉看紅蕊已無多
細數歸鴉三十六

高平水上限五字之作

壬辰

久與谿山結舊盟高平曾記魏時名虹梁影向煙雲落
蟪室聲疑劈歷鳴戲水一雙鳶欲墮迎風無數艸還傾
我非夢鳥雕蟲客搦管先愁氣未橫

感遇

九千春日一千盈
獸向春風意自傾
紫藐艸依新架密
綠莎梢與舊隄平
在梁莫識金鍼巧
出谷徒誇翠羽明
錦帳絳紗都默默
但饒風景伴詩清

病中讀梅氏麻算全書

疥癩偶藥叶蟄初一編
咿喔六旬餘
羸縮疾遲三百度
藥除盈胸九章書
處方仲氏經師古
煮藥家門劑問予
意欲息風南海渚
誰知微疾困鯢魚

五日

又逢佳節病支離
疆拂蠻箋一賦詩
椒熱薄肴張紫案

治鰾醕酒寫金卮

陸渭南集注社日飲酒名治鰾酒而南高平舊俗五日飲治鰾酒事與陸

異

少長人爭珠纓係陰晴氣向綠蕪滋
欲知瑞麥家家

稔罇飢籃中互問遺

我知才薄意殊疏
七韻空將火數如
肉黍綠蒲梅夏摘

結人青艾麥秋儲
暑難避處漿添薜

南高平俗于暑夏作薜荔漿性極清

冷一名

涼水涼欲來時布換練谿淺應無舟
可漾練軍徒檢

歲時書

邨原芳艸綠萋萋
正是南風長養時
祛疾毒蟲攻幾種

弔魂清醖載雙卮浮沈萍長鴨頭水朱白槿開瞋眼離
怕見燕闌賓客蔽晶璘寒玉藕餘絲

林辛山明府見惠見星廬詩橐竝緝敝邑圖經入師李
紹青明經行事亦見攬撫詩以謝之代人作

盥手微吟百徧餘令人苦憶見星廬擘河早奮金鵬翮
揆穴曾繙玉字書南國山川歸紀載江鄉風物費爬梳
羅含舊有湘中記莫道先生謝不如

絕盡塵囂鶴與琴先生品自貴藝琳久聞箸述辭罪玉
又見圖經墨惜金佳傳不緣求米得山靈應感受知深

辦香我自先賢祝敬謝曾煩記國琰

乞食詩以饑來驅我去不知竟何之爲韻

爲張某作

明經非干祿祿仕豈容飢甘季無寸進潦到資川騎豐
歲亦無穫況復此季饑明復已奔走誰與念式微

乞食清谿畔新從異郡來心舜錦綺麗鬢作雪霜皚英
髦惠衆顧林館日曛開蠻箋更象琯待我展微才

村艸盈池秀樗櫟滿徑鋪朱明欣長養書室復清娛愴
彼流離子雲山賦載驅愧非陶彭澤窮柏竟同符

巾構行役𩇑鬢色風塵鎖筆元不癯飢字詎堪舉火執

幡空廿季老農應笑我悔不託長鑱南原事耕播

昔從益陽來今向湘中去旣襄簪屨苦復有飢餐慮吟
歎邇新知律嚴偏我恕玳玦知寡色誰道谿山助

歎息去鄉邦風塵常彳亍行路避騏驎入門畏焚醫心

惠門者扈復遭主人辱此生已窮涂憐才君豈不

名材驚一世豈敢託相知能詩方照眺作字侶繇義艱

嚙龍與象顧我如辟支資川千八百于焉縱瑛琦

攷義愼秋豪鑒言炯金鏡不以羈徒暫而多歟是正淵

艸作英萼巖石助清勁光明報十端頰仰看事竟

誰無鄉國念柰斯歲儉何水涉交蘇藻山行困薜蘿
誰復此棲息感君意氣多不敢惜貧賤西堂更乞馱
詰旦別君去偃嗽竟何之空令幾夕癭繞此畫堂楸
故知賢俊意一飯不名岐願我非韓才欲報恐無期

志局百韻呈林邑侯

谿澗一愚民志趣常鹿鹿老泉發憤季未曾出林曲一
鐙映窗牖幾篋搜圖錄雪立承誨嚴雞荒起舞速學非
待荀勸荆豈煩虞朴拭觚觔幾幡弄編斷千軸僻壤無
名書到領振偏褻經未授鄭孔史徒聞羲頊虞庥陳火

鳥發斂遺羸縮禹圖看聚米河涉亾故瀆九數方田昧
況方程羸胸權量起龠銖先迷莽銅斛化益知神姦蟲
魚箋郭璞多識關詩教空仰烏程陸禮器窮房椀輿軒
辦鞢輶誰歟親指授朗如削眉目蕪陋廿載餘數之難
更僕欲就羣書圃家貧艱被幘況又寒酸士戒涂少推
轂茲名忝修書居嚙陪名宿筆非煌煌手笥非便便腹
紙雖攢蠅頭按羅學非渥蟲雖封驥尾繕校才非縛徒
恃鋌舟見得一遺五六高平初置縣歸命將終祿晉室
尙紛爭宋齊相弼逐增名由北同

大康中改
名南高平省縣當梁

促爾後數千年梅山荒未勵潭州益陽西鼎澧辰邵隩
封置千里近兵戈五季族及宋神廟初禩燄尤烜熇猺
獠負險深主客相依甌戶萬四千盈丁幾二萬足開之
者其誰實惟愜煜夙惜柘藤深雲五谿五柴築關峽泉
武陽兩城拱郊牧熙寧五六季二縣分版牘新化熙寧
五季置安
化熙寧
六季置初置卽爲望潭邵無異局資北城新城征車遷
百族狂彼紹聖季隍廡後旋復縣南十邨地環繞文斤
麓名號高平舊延袤大倉卓淳祐記龍山政和紀員幅
咸在開梅後邵陽猶綰屬父老傳易地此語堪商榷君

章謫鳥時山川紀清淑文斤亦編采太平徵辟玉潘滔
丞邵陽作記辭芬馥刻石感靈真禱雨資庇覆王韓如
馬苒丁莊似蟬續先後炎炎澹郊原稷黍穰文忠志地
理茲山曾著錄趙肖亥豕譌相沿變文竹山林應未昧
倩誰辨稠濁首望出鄜元長龍詳九域

叶

灘名茱萸古

谿號文斤黷蕭嘯巖已淆惠思名須鞠風井逮油谿三

詩如連璞

宋周思有蕭巖風井油谿三詩蕭或作嘯惠或作思

開梅出梅山子厚

才馥郁石槽偶經過彩筆題厓阨著作頌千言藹如清
風穆自序顛末詳後來疑免蓄巍巍晁泗州詩窮南山

屋雞肋非棄餘光怪迷五檠補遺勞簽稟付厠搜高麗
大淩鐘徙潭黃秀熊化谷稗史方志誕一一悉繙讀帝
俊未入蠻熊本無遺躅宋皇未出閣輦終空號澳絹未
到長沙第豈梅林蠹廬未踐荆壤身豈雲山跼攷校文
無資依坵情堪掬熾熾暑夏長潭潭官舍肅鏤管并篳
篥清靜殊非俗況託仁人宇澤不分檀穀我本朽櫟材
嘉招荷芳矚葡萄物慚醴麇恩榮感樂育教我鈔膳暇校
理力宜勦宏之荊州記藻采勝羅穀宗懍歲時書名貴
擬黎琮黃閔武陵記醕美似鄱醪桂陽零陵傳先賢名

煜煜燿燿見羣書中如瑤鑿玉櫝我侯學好古筆鋒利鏃
鏃圖經屬鎔剪不餘亦不複規撫繼昔賢文采光南服
千載傳可知殊方購堪卜有時記亭館裁鴻論亦篤洛
陽紙爭叩寫官筆頻禿我聞見星廬著述高上嶽聲詩
追古初雲龍荀彧祝甌北詩中豪詩敝建雄蠹作序冠
侯詩賞彼光輻輳文章及駢體長風鳴飈飈尺縈窮干
狀一輪含卅幅又如江海濤洄漩恣起伏赤舄臨斯壤
三季成一蹴而我限荒陬未覩心殊惡冒昧乞數通中
宵諷吟喔

次韻林辛山明府六月十五日考棚之作

賢哲生下土星宿上躔盤降台光灼灼椒柳精專專流
光照房帷采虹歛異觀一二昭載籍巍巍悉鳳鸞明公
生炎州瑞氣滿珠官一星如槃大煜爚落廉帟休徵旣
有屬令望擬嶺峒馳騁按墳絜縱橫蜚藻翰弇州桃今
孰暢曠棗可餐睂壽恆綰綽鬱祝披心肝

名儒詩禮宗講廨數千餘訓故傳奧義聖典窮根株膏
膺與癢疾一一起坐隅劉炫不求贊陸贄亦收租紛綸
二十載作吏書已除湖湘多杞梓心折誠先輸儒林有

學古言才一
丈人於斯爲盛歟得民知道盛
程春海祭酒贈辛山
以道得民堂匾署
三
千南郡如

樂易者常壽此理何須卜美意延季久得眾動天速明
公尹茲方小民命無促闔澤被耆倪岐慶不辭復親愛
傅神父何徒條奉六徽州泉高平萬戶人非獸有祝而
無詛恆歌難老曲願公更康寧微病無疹粟九六天已
命尙期百季足

明公綰墨綬曾爲蒔竹長狗生足下鰲鯤被宓子養文
翁更興學尹珍不策杖學宮闕千閒便坐更塏磷謀道

樂誨人亦何異孔黨賈洪厓三縣千室琴弦響宜乎州
從事竟畫朱穆像我邦除講舍未謀尸祝享遙對徽州
士慚愧欲頽顙

明公本大孝何曾遜嚙指遙知瀚帟園一夕常三起禱
天減己年誠孝理可恃一紀延親季公宜添一紀兩算
更相并一百八歲已我本縣下民讀之心輒喜喜極喜
還續痛我誠無是昔季病父存五祀禱郊里皇穹若罔
聞于今柏拱矣如何不肖者而不能代父

天子甚神武勝廣郡攘臂九疑蠻蜚穴除舊象必尋慢

易無禮夫求死已再四行見藁街梟凱歌奏成事曩者
氛甚熾金錢搜篋笥以之供軍儲軍興法難棄明公清
如水一縑無匪義陽子催科拙踐更豈得荀心歌腹詠
人皆久託棠庇扶持出山澗齎錢郭外次咸言明府賢
柴門吏稀至努力急公急輸租曾不旣

再次韻辛山考棚之作

詩豪出揚越上國奉珠盤臨畝莫敢先詩敝布方專宋
齊頰聽命武耀兵已觀中軍旂畫斗特驅杠載鸞左龍
右參伐大殿元冥官輿尉遠斥候游騎出其端動如川

凜灑靜若山嶺峘交綏齊步發逐北生羽翰恢如策力
屈吾費門下餐張軍謝力微空自舒膽肝

士當爭千載學文在行餘行諒旣裕原知識戒困株窮
史方見擴準經議有隅百家雖蠡出如萊亦有租文章
以行遠如玉不可除要當尋原委豈僅計贏輸趨進殊
可畏柳非特鑒歟積厚光自遠此中有真如

讀書先訓故何須龜蔡卜鄭孔賈馬外說文誦宜速書
馬尾當五讀南緩不促一一有根株味之莫舛複形聲
旣不譌始可經窮六妄言意觀大居嚙得矜獨難號通

人通終爲曲士曲孺子混馬牛曾孫淆未稟士而不識
字方斯智非足

據依復游藝藝爲道德長菁華賴發越妙蘊資涵養書
故問趨庭數亦勞撰杖餘四窮詘屈尙未登航牖入神
此其基薄者豈吾黨而或嗤迂闊而或譏景響枯木門
梟盧衣冠假形像達士多能誇子女多儀享有情爲此
事吾真欲赤頰

我本不學人舍肩養一指區區說聖道功從六藝起而
今登進涂六藝非可恃憶昔受經初須臾成二紀季季

吮墨池學究過三已中間得異書私心輒自喜親知交
戒誨恆曰安用是不戢吾良規譽難出鄉里再拜捐所
學請勿復事矣今始知昔非此心仍不灰

我非譔校才助公無一臂記錄逮祖曾辭采生茫彗父
母臬伯氏外氏復成四褒袞當品題華琳書軼事澤如
雨膏苗譽假經成笥昨謁蓉裳師不鄙溝中棄畬述方
未終借以師生義矚東日畏友推轂意良荀自愧無寸
長名達交護庇恐負獎借情淡驚恩不次爲學實多踳
望道殊未至惟當枕經史晨宵諷無旣

古來循良吏頌歌入樂府擊彊如仇寇視民如肺府或
蔽中牟螟或祝不其虎櫬楹肅庠兒蘋蘩薦清酤明公
本眞儒道藩復義園體兒待士崇善政及民膺三季廢
舉百一歲利興五

辛山修書院遺愛祠忠義節孝祠考棚北塲

自從三君後

于今方再覩行看大府薦守牧換冠昇明公旣已勤朝
餐及亭午明公旣已愼心疲案牘聚明公旣已清器具
絜瓦甌得令如斯賢欣噉欲起舞

次韻李子木見別

癸巳

歲莫客愁淡李子行歸去展輪顧敝廬期予讀書處逝

將理經史不怕青袍悞出入知不遠但爲多暇故搜討
儻勤渠才豈終婦孺世人知高爵語輒失機趣謂予屹
屹者風聲必難樹吾徒已遺名矧又未日莫

遙咏榮水如女史送歐陽翠巖東歸之作

壁箋雒誦展雙睂七閩女士女中師卻題黃絹空齋裏
愧我生涯酒與詩

豔藻清才世莫知久憐畱滯西南坐況經風雨騷人去
孤吟那不淚如絲

以金錯刀分韻得錯字贈唐叔兌

澤雉同吾飲秋苔同吾侔鼠窺罄酒瓶奴索無錢棗行
止故屯適津涂復閉析擾擾羣雞鷺中裏何由拓如彼
春粦妍忽作藩閒擗唐子輟絳幘來其枰中飪新詩譬
轡柱高冠無劉籜我聞古賢哲箸述元漂魄君如祿萬
鍾何緣有奇作文繫早游心導擇猷精鑿願出韋編書
聽君談綜錯

叔兌方學
來氏易

次韻張蓉裳學博北塢詩

梅山峙南郭茱萸寫北浦地雄民亦庶壯縣未易與宜
有冠世賢茂勩光南土如何閱史冊闕略自持古知乏

經遠猷南狐擯不取甲乙雖名科可詫衣裳楚邦人似
未諭誚耽經者魯敦綜可白頭何情榮辟舉焜耀靈臺
獲百代期心許卽或授先市夙儲無莽鹵外之不名學
豈塵異門戶柰何風未宏事者無四五幽谷翳芳蘭野
田繇榛桔惟期有志士拔俗堅白豎巍巍張夫子行儒
才公輔數語勗諸生淵然德義藪

寄贈歐陽鈴蜚

游好彌季歲藝業頗相輔六書尤博究雅意存皇古篆
籀尙孫息壁經乃初祖偶嚙作佐書黜黜不苟取俗尙

習浮競字娛誚倉沮甘造向壁書妄作屈中語視文嘆
圖大象意明釀黍洙泗有遺音小學非不數況代結繩
後經緯羣書府形聲任稠濁棘曰難覩縷匏俛二十季
近頗識嵒緒忘倦廢朝餐徹宵炳荆苴業習迄天識俗
書難盡距差喜有一二與子不齟齬莫知非疊日然亦
爛重火叶谷不連其八之則轍其、始焉用簡牘漸次
及論敍以斯挽積俗未必非小補多通詔子長好精非
子侶其餘不解事尙賴子枚舉

論小學七首與歐陽鈴蜚

三物表詢鄉六書明敍胄古人不薄書書毀元當究爾
雅起姬公史篇勑臣籀咸曰尺餘柬恩存皇韻舊

夫子雅言甄六書故其端吾猶及史闕穿鑿故匪安水
骨誚土皮小儒曷足彈觚本毀書柬率爾未宜傳終日
作譌字請味不觚歎

小甄書與計于道非背叛古人幼毀兼子我今才半計
尙未厓略書頗能習翫尙有難究盡書之或淆僞居嚙
逢周孔定受黃口案子我不云能餘子迺自贊始知無
毀人終身顏不汗

大古基文籀不自周臣始皇頡制古文亦云非黃史索
顛曰天近索易曰地侶極生位卽設物成形則理章流
立文詁故知非後起傳授乃無懷緯文未可毀況乎三
皇書炳燦箸周禮

競新段籍多流迤訓故圯昧古鍾增文趨今複制里紛
紆數俞多淆轍不可紀斯事原邃初繇厯已萬祀曰之
付積俗焉得不崩委

古繇而二篆二隸復曾絜眞曰巧而失形曰便而詭竹
艸不復別其大多同體漢代已狂放流傳況千載與子

譬寸膠焉救洪河水未重有遺書云承平籀史皇皇九
千文請悉究厓涖

古文駢奇字別構多同理二篆階及謬轉減復無幾隸
書孕章艸跼蹐悉可置六書蕩無存史皇當泣涕子言
昔云嚙吾亦同其恥

畱別李子木

既作三月別遂同三月住詰朝嚴吾裝又將別君去淒
然念行止渾如風中絮濁酒轉曾愁誰云解愁具念我
愁更深不歎驪駒賦季荒櫟不支客久貨難疏紛嚙費

調度遲乃室家聚弱女況新塲無服亦哀慕愴惻後來
情數之愁愈錮促織鳴枯叢中庭降絛露歲月忽如蜚
庶幾守眞樂

失題

自古在昔先民作恆以功伐銘金石久之詩篇乃嗣興
吟襄雅韻標奇格有唐一代盛聲詩開元之後大厯歟
能者不一語皆妙持正況更暱昌黎何時墨藝鐫浯水
隸法河南取清美上繼魯公中興頌有如疊壁映巖趾
爾來千季光采悶統籤亦軼琳瑯字蓬心太守性好奇

披之巖石緘之笥乾隆紀歲庚戌中述菴司寇使湘東
謚荆多暇能玩古十八卷書此其雄是時到今甲子周
六十季來逝水流誰令凋落失重寶已是巖壑難冥按
通守重古多清思政餘時復幽情寄攬卷早及叢談書
過眼求識雲煙氣往事空復同禹碑華羅捫壁涕漣漣
後來或有蜀中士此日終無睡起師段之丹青聊寫意
第見寒松撲空翠古囊今爲一欽止況復甘棠畱舊惠
走也身似爨餘桐纔經識出成蹊鍾豈能筆舌妄袞鉞
但覺挹坐多春風寫此長歌裊匄畱之谿山與生色

湘人從此識神君
饒有餘情事雕飾

復同彭八賦無題詩
揆得五字依次

譙樓寒夜鼓鼙鼙
窗映萼鐙色盡彤
有客多情蛾袖斂
阿歡小睡鬢雲鬆
生如蛤蚧心偏結
形似鴛鴦淚轉雍
鳳枕一雙芳夢穩
夢中仍怕景陽鐘

道光丙申客寧鄉學署
方箸穀梁春秋釋例
適辱子復先生寄詩
因賦長句謝之

吾家舊傳久無師
輓近撾經互鈕離
齊學淵源緣識讀
古文授受有浮辭
荒殘幾卷淡微意
付與何人子細思

近聖穀梁多義例恨無學海決危疑

輩治煨殘分內事何期緝藻遞詩筒夢中作賦從唐勒
楚國傳經削子弓文學由來分徑路撝謙端爲媿愚蒙
餽貧更願求多種諫諍名臣舊姓洪

次韻李小硯孝廉見贈

結舍東山多歲月鉤求隱蹟貫條枚鄉邦世會馮誰振
經術文章賴子才古道卻從真性見高歌偏爲野人來
談天也似先人口迂闊難登郭隗臺

聞魏默深之征西幕府

大兒要執夷矛柄貔貅百萬類从命一麾回紇無隻輪
那教小醜遂彊橫功成約法書銅柱更使要荒永綏靖
底事窮季一卷經小語詹詹辦王鄭誠使功伐書大常
何必箸書名聖證賀若麒麟終載名士則指揮西川定
但當抗志希韓白自有行人問去病我是護兒方受詩
近日適請得尊經閣毛詩疏故云讀至擊鼓發豪興忽聞祖生先箸鞭
使我通宵不能眠

姚州七懷詩

胸撞萬卷欽吾仲起死浮名浪說扁

扁離有伯仲二兄皆神醫名不出干

閩里誰藝稍遜名聞諸侯事見削
子扁誰之姓音篇見酉陽雜俎

人故若斯無足怪世

如能識未爲賢文斤影動清連屋首望風微快欲仙文

首望家園山水名首望山見酈道元
水經注文斤谿見歐陽忞輿地廣記淵谷自來饒隱趣

願留幽躅託雲煙

右懷仲氏

叔子惛惛望取良吾家內外業無荒

先府君學關閩濂洛之學而尤邃于

三禮

先孺人爲蘭柴府君之季女知古今帝王世次

天下郡縣方向伯兄漢紀方能言時

先孺人卽教以

小正幽風漢勛兄弟于未訖

時咸能知古今皆母教也方隆惠藝鳴虞世怕託聲

詩似楚狂終日誦經能百徧一生學道誚多方殷勤讀

汝械來字遠望淒然淚已痕

叔升每次寄書來輒涕泣以辛苦立門戶爲言令人

不敢卒讀

右懷叔升

第五修修喚阿修

叔明小字

五洲之外悉冥求殊難一物塵

匈次早已千山麻腳頭

叔明好游

明願賦成誰與讀

明願賦叔明近

作斷緣心遂我無尤高平綠水堪棲息有棧頻季汜可

休

高平故縣去予所况不三十里

右懷叔明

劇談殊憶老王青

老王家宅所依山名也

矢口清音悉可編終始

上窮三五運春秋中絕二千季

此聯季淡自拈楹語蓋取鄒衍終始五運及春

秋鄒氏傳爲言時子輯十紀說而季淡誤春秋注故季淡戲拈此也

阿弟鑿楹原自任乃

兄提槩已多愆

槩有平去二音字書缺其一音

好求隊側申旨左莫使

無師怨後賢

春秋鄒氏傳無師子舊誤穀梁側穀梁注專以穀梁釋春秋季淡欲申左氏義故發

憤自作春秋注

右懷季淡

春秋盟會又成圖指點淡慚廁坐隅六法精詳誰誨爾

先兄伯氏精輿圖之學嘗爲左氏春秋圖記惜未終業琦兒幼孤圖學不教而能予往歲分誤寶慶志及誤貴

陽志圖皆出琦手

一幀位置遠賢吾

謂寶慶圖貴陽圖

良才豈獨名偏

學書言卷之二
藝絕學端須籍舊模願汝辛勤終父業免教家有未完書

右懷從子世琦

阿秀世炎小字清思我不如季來況復絕塵尻殊無世態隨

顛到自有幽襄任卷舒三澗水縈高士座五兄新卜幾

番風認雅人閨芳菲妙合知無際頻按銀牙信手書世炎

工倚聲近寄來詞一卷皆咏
邨尻景物之作殊清麗可誦

右懷從子世炎

勸學齋頭艸已封容上上側憶山農躬耕下澗畚初畝

悵望名山意正濃
俎豆每煩親教誨
篇章時復託游從
嚴凝賴汝端先路
莫怨幽尻道不隆

右懷容江山農

新秋讌罷作

時客黔中

裊裊孤煙亂碧雲
清秋時節水之濇
酒痕猶帶湘江綠
殺味尙從黔地辛

黔人喜食辛地椒

一字無知容我放
百端處

令賴君仁栢闌各自東
西蔽燠蕊還娛獨醉人

次韻胡子何孝廉見贈

秋風吹我鬢飈飈
作客牂柯欲白頭
感君慰我羈棲意

璣珠一幅媿難酬

獄中謝三學諸友

不甘污下策難持抱牘空山歲復季昆弟望休誰願戚
友朋多義更祈全傷心六行蒙無睦慚媿諸君任已先
甚勿建幡成盛舉九萼嘉頌默爲傳

謝黃海華郡伯

條然絕迹古梅城不受風塵半點驚親悉每教勤有業
盡傷何詎哭無聲舊經篇已多聞義羣從讎原後執兵
孟博無言橫見逮溪紉詩老爲持平